

改

亭

存

稿

歐陽存稿卷之七

崑山方鳳著

玄孫士驥上服父重較輯

詩

偶見望江南花奉懷老親

有草青且天有花含以吐江南不能歸望望亦何補
淒淒江東雲悠悠瀆南澣雅哉泉石亭亦有松筠圃
起卧適所便書香籍庭戶忽生分外思千里覓簪組
騎馬走黃塵披衣候晨鼓青燈形影單舉目何恃怙
何當移之歸栽向江南土

壽女兄

憶昔我父母生子今三人姊年獨居長條忽輪五旬
自少苦命薄老大仍艱辛持家相夫子萬事當一身
殷勤教兩雛伊吾列儒紳多愁髮易改久病眉未伸
嗟我忝同胞薄宦縉京塵空慙煥鬚愛未盡拊背親
造化有玄機倚伏存至神富貴與安樂三事皆遭屯
所得在永年斯理不可泯願言姊長健安享晚福頻
行將爲解官相從樂天真

壽王天字母夫人

賢哉王明府政善追卓魯衙寂餘琴書民安但歌舞
其賢豈無由母氏孟家伍德邵領著禧遐齡不能數
殷勤獻壽圖列仙擁如堵願言母長生慈顏溫且臚

通家慰予情。瞻拜婁江許。作詩播賢聲。坐看謗芽吐。

與舊吏職惠

蟻生念舊情。不遠千里至。再拜淚欲傾。菓核雜庭贄。
寒溫未數語。歷歷談往事。人心險羊腸。爭奪如市肆。
鷹隼徒相猜。早避免垂翅。江湖物外身。花鳥山中寺。
詩成贈爾行。悠然動離思。

予里有孝婦善事姑而不得於妯娌。姑亡後。姑從妯娌言。逐孝婦爲賦此。

孝婦初入門。事姑效勤苦。中饋代妯娌。餘力持門戶。
雖得姑歡心。妯娌時見侮。一朝姑早世。後姑哲且武。
妯娌奉養勤。先姑棄如土。婦憤至飲泣。奇禍從此賈。

從容受驅逐甘與草木腐眼看如娼驕有懷不能吐
姑怒不可回長望亦何補

得休致報呈胡席賓

爲官豈不美吾非惡此逃朝來覽明鏡忽見霜雪毛
流光短於線衰病相煎燉脩癯七尺軀不受俯仰勞
嘻嘻同袍客噬毒輕蜂螫塊然頑石姿持以待銛刀
欲進皆畏途何如老江臯寄語西席賓主人今姓陶

貞丘郡主嘉貞詩

爲蔡二守作

嗟哉貞丘主烈操世所無夫死不樂生所樂惟從夫
舉首觸東閨流血無完膚我躬且不惜奚暇悲孱孤
三日幸同窺高原瘞珊瑚入地即含咲淚眼不用枯

嘉貞賜昭額綱常一朝扶古云抱忠烈金石堅可刻
視死若脫屣肯爲溫飽圖作詩播芳馨事覈良不誣

曉起

秋牕開曉晴景色靜且嘉池遽起新葉露蔡落殘花
清泉匝屋流好鳥隔樹譁對此坐移時焚香啜杯茶
物態適吾意意自與物佳古云兼吏隱持此良足誇
小酌和陶韻

摘花立溪上忽憶舊時遊舊遊踪跡殊異楚各名山
悠悠白日逝滔滔江水流人生真逆旅華屋終荒丘
但得酒杯滿勲業讓伊周伊周不可作吾生後何求
吊沈文粲

憶昔曲江宴卓我三同年同鄉復同官交誼真且堅
趨朝蹴晨雞赴飲青驄聯有時共清夜對榻酌詩篇
踪跡各南北浮沉相後先去年哭維石遠訃因君傳
今年哭東巖老淚空漣漣三人失其二我生亦徒然
支問竹見訪

故人山中来遺我雞與茭多雞剥茭實綠酒色如染
客去鳥聲亂柴扉逐風掩高卧北牕涼松陰集湘簾
嘉瑞堂爲白樓尊師作

綠野起華構矗矗鳩群材嘉楨發靈物雙鵲飛自来
結巢當木杪雄雌日徘徊下有百手作俯瞰無驚猜
匝月成乳育七雛爭喧豚厥應在我公五福元栽培

安得不自至祿位還上倉書香紹奕世生子貴且才
綿綿衍家慶壽域方宏開

放鵲

微物何所競鬪狠至相仇豈不惜毛衣兩敗落溪流
一入童稚手繫繫等拘囚閉置幽室中跳躑每自投
頃之氣漸平高棲屋梁頭有槩怒不食戢羽多窮愁
老鵲鳴屋角盤飛如有求憐余爲解縛並去喜脫鞵
其一入林杪四顧耽雙眸其一飛復墮忽忽驚未休
嗟嗟二雛者瀕死命復留詎望猶環報當思縲紲羞
藉此論吾人終訟非良謀

霽楊母九十西巖外母

德人躋上壽五福還兼全
夢寐此王母秘方應獨傳
兒孫紛遶膝玉樹森階前
金紉耀門闌况也倩氏賢
歌鐘盛華宴鸞馭來翩翩
綠酒傾玉髓須臾醉群仙
珠璣昭四壁讀之聲琅然
慙予賦短章再拜獻初筵
九峯何矗矗三泖清且漣
持以壽阿母流峙共長年

上真爲同年徐曰仁乃尊賦

今人不如古所欠在一真
象恭適自欺諧俗徒媚人
往往斲天性大道成荆榛
朴哉彭澤君自號無懷民
養成松菊姿澌酒頭上巾
亦有康節翁謝智一以純
出處任吾性花外車隣隣
高風渺難攀泰華等嶙峋
嗟嗟古真翁直與二子倫

壽張碧崖六十得鷗字

憶昔少壯時青衿共嬉遊感君麗澤功情好分自投
青雲先後發世事多沉浮倏忽六十年歲月何悠悠
崎嶇畏名場歸來伴沙鷗多君擅內養垂老還黑頭
矍鑠便登涉安車或輕舟書香付家兒詩酒自春秋
山中雅結社濟濟皆儒流笑傲無俗談交錯惟觥籌
梅花締寒盟不與市道侔藉此終吾生怡老真良謀
年年一杯酒殷勤相勸酬

壽秦復齋六十得圓字

少游本人傑早歲同青氈登科宰百里不受劉寵錢
歸來貧更甚負郭無良田浩然付一笑健在六十年

一尊獻同杜矮屋開賓筵豈資歌舞樂
沓櫟來詩篇淹留坐竟日醉看新月圓
顧我忝同歲交誼久且堅願言輪甲子
永筭齊彭篲

壽李成齋六十得樹字

李愿早掛冠還向盤谷住去城可十里
清門蔭高樹心純貌更古獨得林丘趣
或時滴朝露周易手自註或時對濁醪
抱膝覓高句安閒六十春造化私陶鑄
綺席來嘉賓瓊液恣傾注媿我忝齊年
百歲實覲覲年年一杯酒花下青驄駐

漫興

高樹蔭虛堂清眠不知暑思苦詩腸饑
摘字盡堪煮

有時蕩一舟小憩荻花渚歸來日正落猶見採蓮女

心月贈僧

此心真似月本體元不虧雲霞忽蒙翳清光頓然隳
努力驅幻障靜定守無爲心明性自見萬化從鑪錘

梅巖

西巖何所有嘉植暗香雲萬玉發春魁不與凡卉群
主人間一過索笑驅塵氛何時把尊酒徙倚成酣醺

竹泉爲劉揮使賦

挺挺立風前涓涓流雨後竹蔭泉更涼泉滋竹逾茂
主人倚夕暉俯掬恣清漱或從王子吟或述莊生觀
快哉心事閒高眠遣長晝我欲扶短藜依君洗蕪陋

寄錫山殷翁

吾聞秋野翁卓然厲操執百畝遺後安禾黍遶原隰
采菊心自閒牽蘿居可葺有時開一尊新涼誇獨挹
有時蕩一舟看山入城邑歸來恣高眠玉樹階前立
雅哉龐德公心跡庶幾及優優過百年蕃禧永駢集

村居

人言村居樂而我十居九後圃足葵蔬前門蔭榆柳
吳淞經其陽玉峯拱其後堂宇清復幽茅茨煖而厚
董僕或得貞雞犬自成耦數石疊作山十竹呼爲友
瓶罈過濁醪剪滑試新韭樵漁時自來鄉隣老相守
賓客畧送迎功名等塵垢閒行遶南瀆高卧依北牖

悠悠且養心欸欸得開口伊誰羨茲藥請君謝簪綬

登大石山

殷勤挾小艇迤邐登大石恠險若神造幽閒真鬼宅
涉漢龍頭昂負重巘背磔倒曳萬牛喘列坐十人窄
眇視笑一拳端拜俯半額憑肩護脰酸呼酒鎮心慙
古壁剥舊題又竇碍頽屐南快雨忽晴剛醉日欲夕
老禪嗜文辭短卷盈咫尺揮毫神欲飛雲開萬峯碧
壽毛浣亭

三江天下士有子稱象賢夙具文武資聲望無與肩
能讀中秘書文采何翩翩出作幕府賓叱咤鳴龍泉
德人集純嘏七月開壽筵馨香列珍錯鶴馭來群仙

慚予捧卮酒南望衷情牽再拜獻短歌殷勤頌簞籩
題老松壽秋汀九十和貞庵韻

周公躋上壽滿壁懸新詩尚書獨超逸揮洒橫高辭
人生有遐筭百歲爲常期公特望十年過此尤足奇
輕身委藜杖短髮垂花枝沉檀爇金鼎石髓浮瓊卮
翩翩下鸞馭青鳥來西池日斜醉顏酡笑看烏帽歌
嗟予沾盛席羨此貞松姿濡墨圖老幹不假丹青施
挺然歲寒秀非公將謂誰從公遊赤松舍此吾何之
敦義

斯義本大路出入誰能由外物擾真性茅塞成荒丘
何如市道交契結金蘭投義重利自輕高風愧儒流

作詩悲久道好鳥鳴相求

贈
城仁山

聞君少干日登山俯咎井中有哀號聲惘然中耿耿
救之苦無策狂奔市長綆深投起廢殘昏憤時復惺
此豈要營爲良心由夙秉至仁感彼蒼報施如響影
樂哉享壽康硯田怡蔗境繞膝芬芝蘭諸孫皆秀警
讀書太門楣遠與竇家騁我愛揚仁風吾人當自省
俗里化淳龐王猷助俄頃

挽
鄭小山

髫年同學易清夜近燈火感君麗澤功疵愆每規我
才充命蜀堅文戰數次可寒毡人不甚樂詹自安妥

歸來謀結社登涉靡不可感疾忽垂劇呼我座虛左
慷慨叙平生鑿鑿非細瑣自云終始情交誼此結果
嗟嗟哲人萎詩成淚空墮

獨宿避暑

暑酷喜夜涼月來日復入村深竹屋迷露重絺幘濕
清夢苦未成高人嗟莫及思之不成眠喔喔雞聲急
貞翁重聽示詩用韻

人生各有遇造化斟酌之一身萃純嘏所遇公獨奇
而况百體安世事無不宜區區耳欠聰欣受夫何辭
南公欲借聽扶杖行相隨

壽葉撫桐五十

人生百歲期君年方半百譬如日中天
皜皜光潔白况有亢宗子積學聲烜赫
養志比曾閔彩戲啖啞啞間來對焦桐
再撫春拍拍薰風拂綺筵頽山醉仙客
競獻卻老方快哉延壽脉

東泉

白水從山流結屋枕西許主人事高潔
貌偉心獨古有官卻遺榮日與寒泓伍
俯首滌塵襟高踪仰巢父或時汲甕罌
烹茗沸鐺釜或時照鬢眉一皆可數
曾誇莊子觀或入伯牙撫卓哉千載餘
多君能步武我來伴清吟空看新月吐

懷蘭

幽蘭人所思君獨懷之苦豈真嗜馨姿所懷在嚴父
蘭萎更芬敷親去不復覩嗟哉一念誠悠悠亘千古
喜沈小石至

獨坐倚清尊相過有嘉客緩帶垂細腰輕巾羅廣額
秦傳玉川譜畫踵雲林癖雞黍或留連山中且朝夕

江行望友人

扁舟渡寒江斜日射盃酒美人望不來獨酌愧無耦
西風逝櫓聲敗葦葉欲朽飛鳬忽驚人兩兩踏浪走
哥蓬照眉鬢滄波見老醜停橈泊古樹冉冉日入酉
吟哦一人來剪燭話良久聯床共酣眠夢入無何有

壽陳兵侍先生

住桃源高五山

吾亦愛吾山掩映挑溪許中有長生人貌腴心獨古
勲業照松衡歌頌遍閩魯風裁振內臺嘉猷替樞府
勇退樂從高抱膝書作堵蕭然謝紛華日與聖賢伍
有子瑚璉才簪纓還接武長起白雲思欲代斑衣舞
索詩伴壽觴珠玉雜庭戶達尊無忝三完福實兼五
試看逍遙公退齡不能數

纓溪爲李戶部賦

我欲濯塵纓清溪渺何處聞在帝丘南雅爲高人據
風月共浮沉鳶魚自來去獨坐觀化機快哉空萬慮
遠客贈蘭蒲一日同至

道士贈幽蘭逸人餽仙韭蘭以上孫茅韭以占我壽

從今合收書到老只飲酒百年弄曾玄作詩酬二友

壽華翁六十

幽人深住婁江曲綠柳青槐蔭華屋當門小砌一欄
花隔水幽軒萬竿竹野服翩翩乘鹿車時出看山歸
讀書書香不斷後人續亭亭玉樹生堦除行年六十
頭未白吟嘯花前春拍拍笑看甲子幾周旋直與莊
椿齊八百我時亦在賓數中手持一卮從矯翁蹒然
席地不知醉小蠻舞態多玲瓏主人自是應難老夢
入蓬壺天未曉年年此日撥輕舫春風滿壁留詩草

壽馬翁六十

阿翁卜居吳淞南山之
辛泉味甘行年六十更安

健長松高柳羅虛庵紅日烘簷眠正足起看雙鷁當
牕浴抱孫間美指之無消遣流光暮一局有時曳杖
過南村南村老人深閉門農桑細話一開口歸來綠
醕還盈尊頽然一醉燈花落野鶴閒雲無束縛布衿
溫軟夢華胥此是人間最直樂松巖鉛汞能延年仙
術由來得秘傳安閒直到莊椿算歲歲花前開壽筵

石柱歌

誰家石柱卧路傍問之令人生慘傷連雲甲第屬新
主不見當時京兆坊京兆坊勢烜赫我纔束髮還記
得門前賀客如蟻叢兩眼耽耽望顏色可憐勢去門
戶寒泰山頽兮滄海乾石柱貧來換新米依舊撐雲

人盡看人盡看莫空羨教兒讀書已爲善興衰隆替
自古然請看王謝堂前燕

孝友永懷歌

爲顧周道作

有父有父人中賢襁褓見替踰卅年有弟有弟賢思
齊從父地下遺寡妻嗟哉顧君抱此苦終朝飲泣裂
肝腑慈烏夜叫鵲鵲飛勸君徒思亦何補思親欲報
親朝夕事母心須純思弟欲憫弟箴寡妻慎勿棄
父真弟鳧兩茫茫孝友寧分存與亡可憐風俗日頽
壞骨肉路人恬不恠恬不恠其柰何爲君一誦永思
歌良心耿耿終不磨嗚呼良心耿耿終不磨

婁水行送夏懷軒

青風吹吹夢水波小蠻新學驪駒歌仙即欲上西湖
路延馬行行更回顧歡娛三月悵別離重來已訂中
秋期到家菜綵欣可掬細檢歸囊書一束吁嗟乎詩
成漫寫白練裙思君遙望姚江雲

壽朱山塘

美人深住林塘曲適意詩篇對碁局玉山岌業倚翠
屏獨抱清標抗塵俗春風滿座開壽筵疎簾輕透沉
檀烟青鳥翩翩紛報客雲車燁燁來群仙多君青年
贍不思萬里騰騫翥高志龍頭科第驟馬聲此是君
家囊裏事一堂咲語生馨香新詩四壁鳴琳琅愧我
衰遲無可獻寂寥短句陪壺漿滿泛花前拚醉倒歌

產方方產女下年言言書波長一朋昨陽追五老
懷仁爲胡醫作

先生自是醫中賢遨遊海上通真詮一腔生意融心
田活人功多遐邇傳疔羸攜憑戶屢填刀圭倏忽令
安全歡聲滿路呼爲仙恩施不報肯計錢吁嗟民瘼
何時痊借君一脉呈當權高舒大手扶顛連康衢鼓
腹歌堯天

送吳山人遊天台

芝山山人汗漫遊半生踪跡湖山頭只今遊癖未甘
瘳越江遠渡窮高丘花間小車柳外舟詩筒酒具能
兼收雲巖直上舒雙眸仙風雅欲追阮劉石川先生

交分授索詩短卷鳴琅球詩成嗟我擊節謳羨君此
行涎欲流思君無聊一登樓翩翩獨鶴橫高秋

舟中偕芝山訪丁吏部小飲

虞山十里延青螺尚湖千頃搖白練風雲滿眼合復
開高聳詩肩寒欲戰芝山山人春興豪索酒舟中鋪
小宴前村欲訪丁令威醉來一咲東風面

擬登虞山阻風

東風作惡翻湖波雪山傾倒飛白駝墨雲拖雨日光
淡一舟飄搖如擲梭低頭回棹阻遊興虞山虞山將
奈何

詠竹賀朱東泉得子

君家種德如種竹，睢陽佳本分淇澳。春風歲歲長龍孫，挺挺琅玕光萬斛。他年一節長八尺，帝遣伶倫來嶰谷。黃鍾聲律和鳳鳴，堯舜巖廊風穆穆。凌雲氣勢壓叢篠，鶴膝龍公皆碌碌。我今將學二仙隱，坐看此君膺五福。

壽秦復齋

六十三年偉丈夫，四月八日當懸弧。一官在我有若無，平生豈爲溫飽圖。圖書四壁酒一壺，醉來擊缶呼烏烏。高官厚蓄豈不都，紛華轉眼終泥塗。先生曾次涵五湖，遐齡直與莊椿符。

山水歌壽尹母

靈巖山高插天中有石屋藏神仙太湖水清且漣銀
河接派流消消奇哉二物誰所成造化築鑿非無情
山之靈有真詮秘訣可以延日月湖之水化爲瓊漿
玉液水壺傾我將持之壽阿母願與此山此水同長
生

中秋客至

中秋只在兩三夜但遇月明筵便開陰晴明日苦難
料況有佳客三人來歡娛對月不思睡樓頭宴罷還
登臺登臺呼酒起仙興安得雙翅朝蓬萊

中秋江行

年年中秋鋪錦筵重樓夜半猶未眠今年錦筵鋪回

舫吳淞江水遙連天輝聯玉臂憶杜老光照金尊懷
謫仙此江萬古常流注此月萬古常虧圓老夫敢與
較脩短感悵佳節心茫然面前歌舞且歡笑淺水蘆
花還泊船

壽周太安人

玉山峩峩淒水漣中有靈藥能延年只今黃耆且輩
出祥光南極通宵懸何如阿母貴且賢人間五福能
兼全相夫教子兩成立含飴戲綵膝下紛曾玄行年
七十不知老鷺袍鳳翟板輿日日花枝前春風滿華
屋春酒盈壽筵雲車何雜沓燁燁來群仙願言阿母
長健在直與玉山婁水同綿延

送友人赴任成都

祝融肆毒如圍爐中天赫赫飛金烏門前徧蔽戎關
白獨許枕簟侵肌膚有客承幕職驅車向成都觸暑
謁贈言此意不可孤贈君長歌降白雪酌君瓊液傾
冰壺冰壺白雪可以解暑酷清風三峽如平途行行
佇聽好消息丈夫豈爲溫飽圖

王三橋寄卷

三橋主人王隱君尋常相過成酣醺笑談盡日江之
濱風流勝會前無聞十年不見心如薰忽投短卷通
殷勤三橋之山落青雲三橋之水中原分有時扶筇
課耕耘有時携壺看落照羨君高風真出群詩成漫

寫白練裙

壽錢西洲

西洲居士生絕奇，虬髯碧眼光陸離。
買書熟讀飽餘味，硯田僅免兒啼饑。
抗顏臯座歲時久，適興有詩愁有酒。
乘閒看月傍江行，長嘯一聲激星斗。
掌中甲子輪始周，神采精悍少壯侔。
彈棊力戰忽大叫，蠟屐慣作登山遊。
弧矢高懸鋪菓席，翩翩四五家。
懷客清談不假絲竹聲，扶醉出門江月白。
脫冠咲我藏南村，謝客十年深閉門。
煩君抱琴作閒伴，陶真陸散酬清尊。
眼底紛華財與位，到頭適足爲身累。
綠珠黃犬空嘆嗟，爭似柴桑半酣睡。
願君百歲與我同年，年壽酒當

薰風黃髮垂有人健羨江湖滿地兩漁翁

臘雪和西巖韻

聖主勤誠禱豐年兆吉占酒屏工點綴糝徑弄輕纖
愛賞高張宴貪看盡捲簾謝庭誇肖擬吳地慰鷺黔
西圃封梅萼南村濕酒帘嚴威欺煖續清溜滴晴簷
竹壓低稍重茶烹活火炎一天瓊玉屑萬斛水晶鹽
覩屐便徐步漫山聳且瞻饑鳥依突噪凍雀受竿黏
呵硯書難就操舟道可兼長松迷晚翠遙塔露寒尖
勝景供青眼餘輝照紫髯貂裘芸閣擁獸炭竹爐添
袖手晨梳懶澆腸夜飲厭紛紛憐野客耿耿憶窮關
小垞來兒戲貞姿比士庶路平樵跡滅江漲釣磯淹

民志本利卷一
二
候正歌謠起功深勝賊殲詩成聊適興鄙俚莫生嫌
雪中訪友

主人自南瀆訪友過西洲好遊疑白傳乘興即王猷
燒炭酒沸壺掬雪茶盈甌束手謝白戰開口發清謳
爐灰撥欲盡園韭剪還稠敲詩較一字卻睡撐雙眸
童僕倦倚壁肌肉寒需裘高情欲下榻野性便登舟
明發歸何處依然尋舊遊

挽周太安人

阿母素稱賢全歸亦慘然痛夫星兩鬢教子繼三遷
詩禮門楣古冰霜志節堅期頤方蠲望窳窳忽長眠
夢兆冬來異真儀圖裏傳冷烟迷鸞寢寒月照新阡

手澤兒孫淚心銘里巷鑄通家予忝後欲廢蓼莪篇
丙申初夏偕玉井築兒泊問庵密庵本靜三上人
遊天平一雲諸山

夢寐吳山景心期已十年一雲疑作雨萬笏欲朝天
樹密妨油蓋橋低阻画船暢懷搜恠石洗耳掬寒泉
草徑輕輿穩松巖短屐便按歌花片落趺坐酒盃傳
二客東坡侶三僧佛印禪循簷山鳥健入饌海魚鮮
茗碗供清啜蒲團借倦眠半空排逸興盡日隔塵緣
試問風流態何如李謫仙

和西巖石湖韻

欲飛不飛沙鷗輕蘆花風發晚潮平看山醉眼餘十

里照水吟髭剛數莖摩挲巖畔古碑卧磐礴船頭新
月明好景依依誰管領忽聽滄浪欸乃聲

改亭存稿卷之七

改亭存稿卷之八

崑山方鳳著

玄孫士驤上服父重較輶

詩

款鶴

爲王維雍作

高人好獨偏種秫養胎仙
誘舞時揮袖和鳴夜撥絃
庭虛延澗步身健伴長年
幾度尋幽勝秋江共一船

湖東草堂

優閒愛隱君結屋謝塵氛
夜檻憑寒雨晴牕倚夕曛
鏡開新水漲屏列遠山分
我欲陪樽俎漁歌醉後聞

讀蛟峯傳

細讀蛟峯傳喬然一代雄
文章瞻北斗氣節薄長虹

世變心仍壯書傳道不窮
慙予生獨晚庸劣負宗風

錢元抑夜過小飲和陳魯南韻

寒夜客來遙輕航繫野橋
宦愁詩發遣心事酒勾消
舊雨俱成夢秋霜不待招
搏沙踪跡異劇飲定通宵

晚泊安陵

輕艫依樹泊小店枕流開
城圻歸鴉散檣燈宿鷺猜
風狂欺客鬢酒薄減詩才
怕是微茫月將愁入夢來
奉使還親友遠迂

持節歸來遠勞君載酒迎
錦帆風力便綵帳日華明
家近疑成夢山開似有情
高歌拚一醉頭上海雲生

喜雨

聽雨晚憑軒家家歡未眠江湖添舊漲草樹弄新妍
爽氣催殘暑神功相有年明朝看扶醉往鼓正填填
誕辰寓公館奉懷老親

吾生當九月昨日是重陽髮怯松風老杯浮菊酒香
醉排千里悶痴想百年狂此夜高堂夢知應到武昌
自狀

閒官眠易足多病貌難腴肆志空投筆平時懶學竿
拈書消客况攬鏡數吟鬢真率誰知己乾坤此腐儒
齋居和陶良伯韻

寄宿城西寺條然物外居心清神自靜地僻夢還虛
松月寒侵帳茶烟煖襲裾正嚴碁酒戒無事讀閒書

訪錢元抑因築兒疾不果代柬招之

兒女吾償債深慙向子平操舟三日路下榻十年情
山色迎人秀湖光蕩眼明菊花開正好還擬迂文旌
送沈明之改任

曾入蘄州境民淳地亦饒人言沾教化君去定歌謠
疋馬三忠廟孤蓬萬里橋羽翰元自好不日又青霄
登李長山和伯兄韻

登高欲作賦媿乏少陵才筋力且休矣江山何壯哉
風光歆短帽天影落深杯日暮前林暝悠然獨鳥回
尚湖

薄吹起微浪閒遊趁晚晴漁舟歸處急沙鳥去邊明

勢受虞山壓潮隨東海生坐來烟景好不見有人爭

除夕

客裏逢除夜開懷事事宜拈尊陪母醉挑火看見嬾
路近家書便才疎世事遲年華任增減不許鬢毛知
挽俞太守夫婦

兩淚嚴慈夢千年孝感心春風懸舊榻夜月斷寒砧
潛德空埋玉衰顏浪鑄金杜鵑啼又盡細雨栢森森
壽陸母分得屏珮

王母憑雲母相依不計年芙蓉春日面翡翠晚風筵
疏列君王璽緘書相國賢宣公忠孝在勝事世應傳
錦服懸琉璃高堂足令饌玉溫昭德重步緩覺聲遲

針縷情猶戀韋弦老更持初筵仙侶散聯影入瑤池

宿牛首僧房

寄宿城南寺心清夢亦安月樓香篆細風檻竹聲寒
江火迎潮出山雲近鉢攢老僧陪坐久錯認是方干

有松爲梁九舉作和陳魯南韻

梁園新疊石種樹只宜松月屋書聲杳雲巢鶴睡濃
幾枝舒老眼半榻隱高蹤留得貞姿在年年任雪封

祭劉龍州墓

先生足高說後世但詩名白骨山俱老關心水共清
鶯花三月慘風雨一杯傾麥飯家家塚何人此係情

新製小舟三首

吾亦愛吾舟輕揚一葉浮
壓波雲影亂背菊槽聲
詩酒情偏適江湖分自投
幾畚醒不寐寒月下蘆洲
吾亦愛吾舟吾生與共浮
池塘清夢穩蒲荇碧芽柔
煮水茶堪煮尋磯釣可投
夜來何處泊風雨卧西洲
吾亦愛吾舟飄然水上浮
槳翻春浪潤篷借晚風柔
東海漁堪隱前村鳥共投
近來踪跡散多在百花洲
登靈巖寺

步入靈巖寺荒涼獨悵然
一僧迎破衲雙井蓄寒泉
鼎王斷甕餘回棹殘碑勸
賜田不湏悲古蹟興廢十
年前

矯翁新疊山偕倪可琴小飲

小垞因誰結歸歟待矯亭屋頭三寸碧雨後一分青
樹密疑擎蓋更奇定落星山人陪坐久月出醉還醒
虎丘遇仰雲上人

入寺無人見相逢得仰雲上方今爲我東道或依君
遠眺迷晴靄清談倚夕暝頻來真相厭甌茗共爐燠
王公濟禱酒至公署

對客排幽悶論詩愜素懷烹羔謫仙興倚馬杜陵才
宦况逢秋減燈花入夜開月高望宮闕咫尺是蓬萊
送吳高山罷官歸

君去我何堪永跡亦欲南野驛空自道蒼苔獨無慚
寵辱終遺恨路長且急擔相看淚如雨心事共誰談

借王南原陳石亭徐庵西周約齋王繩武月夜
飲錢漕湖公署

此夜谷臺會評詩笑語譁鄉音疑縮地宦跡歎抔沙
步月依松影占晴看燭花中秋是明日沉醉更誰家
雙槐爲王才伯乃祖作

八槐遺手澤一德本心田雨露方三世栽培豈百年
陰濃鋪綠毯花落碎金錢見說孫枝好年來已拂天
送陳東沂都堂致仕

霽雪添行色官舟此日開圖書趙清獻文學石徂徠
惠政誇三輔高風擅兩臺東沂慰桑梓猿鶴不須猜
嘉靖癸未元日

伯玉知非日淵明覺是心青春忙自去白髮故相侵
有過頻觀易無聞浪惜陰且乘椒酒興弄筆試高吟

庶惠

爲張文林太守作

國事如家事心田即義田

躡紉錢買

何曾爲已地長

欲足民天劉寵錢應卻張堪德可鑄活人知有報瓜

徙定綿綿

文林未有子

邊廷實以詩留別用韻

雪霽明官棹登仙羨此行路從淮角便江到石頭清

舊雨頻攜酒新詩半計程蹇予徒悵望白首竟無成

贈張運夫

崑山張處士工画又工詩大洒秋千幅高吟酒一

夜幃眠漏月短榻坐敲碁我欲尋真隱惟君跡最奇
再遊金山

揖入金山寺還嘗王井泉好風吹客袂殘雪點江船
得意詩無價衝寒酒直錢老僧如有約燠茗獨留連
石窟

白首存孤介推窓時讀書操持吾道在靜豁此心虛
月出梅先到春來草不除無人知此味獨坐意何如
虎丘阻雨

望望虎丘寺亭亭在目前行藏元有數咫尺亦無緣
黯曖雲拖雨模糊樹帶烟明朝定開霽還買看山船
送周貳守考績便道省母

關右推才俊江南洽政聲思親千里近報主一身
輕自考催科拙人傳折獄明先公家法在真不負平
生

遊張公洞二首

雲崖平復久石竇暗還明風雨龍蛇蟄陰寒鬼魅生
洞虛歌似蒼壁峭坐疑傾歸路頻呼酒痴狂笑此行
夜達張公洞愁添白帝秋謳歌聊自慰風雨故相留
未敢迴吾棹還應問某丘平生共多病遊癖更難廖
吊張又定得時字

前賢勞此地今日是何時要識憂民志須觀省稼詩
危言丞相怒直道史臣知千載存祠廟悠然慰我思

挽劉司寇御史訃之父

高原瘞良玉遺德重鄉評
出守歌襦袴司刑頌鑑衡
松楸寒月影風雨暮猿聲
千里絨詩吊殷勤惜老成

送左節推北上

幾年勞佐郡此日快朝天
執法嚴三尺持廉選一錢
蘇臺懸夜月淮棹倚寒烟
春到鶯花寺思君尊酒前

元儒冠

眼見兒曹冠而今又及孫
親朋當日會禮度古風存
服進三加重賓賡再拜尊
成人從此始爲善繼清門

黜

喜爲吾孫黜從容禮數并升階先正立布席定徐行
訓戒情何切殷勤命獨承須知宗事重真足慰平生
親迎

上馬生春色行行慰老懷乘龍今日喜奠鴈百年諧
籠燭紛童稚笙歌擁市街所先惟婦道端不在裙釵
合卺

夜月和鸞鳳春風鼓瑟琴一杯拈合卺百歲挽同心
笑語馨香遠笙歌院落深衰年觀勝事真是直千金
廟見

水木求源本祠叅敦後期百年宗事重三月禮文遲
禮三月廟見伊川以爲大難故爲三日酒菜通誠悃

音容起孝思只嫌些子欠不在老親時

禮婦

家宴尋常事無如此日嚴朋尊姑舅合尊席主賓兼
禮度情俱洽禎祥兆可占古儀因廢久快覩走閭閻

婦饋

冢婦方行饋殷勤獻脯羞要調姑舅性常抱旨甘憂
養志心須敬承顏語欲柔只圖新婦孝此外復何求

秋汀以詩見寄和韻

林下高年健推公第一人黃花娛碧眼白髮美青春
杖屨時吟眺雲山自主賓秋汀書屋近相過莫嫌頻
挽葉偕山大尹

細讀偕山誌高風入望遐文章能飾吏忠孝足傳家
烟雨孤猿嘯松杉落日斜老成凋謝盡掩卷獨興嗟
春崖贈陸醫士和西巖韻

方寸留春意生生本自然紫陽疑授術青帝或分權
煖蓄還丹火溫添煮石泉活人歌頌起到處可磨鐫

雙谿

結屋梅花裏谿流合抱香野山青入坐水鳥白成行
雨後看新漲風餘挹早涼書聲清夜起星斗動寒芒

世壽堂

為周世亨作

三朝培大老千載際殊恩賓席衣冠古安車齒德尊
東南傳盛事橋梓燕齊門地下人應笑丕承有令孫

登東禪閣

高閣插雲孤推窓見画圖青山舒醉眼白鳥下平蕪
酒債逢春足詩腸盡日枯登臨筋力倦歸路倩人扶
送楊廣之考績兼乞封

客中還送客年盡又逢年疋馬青山外孤城白水邊
君親懸念切資望得恩偏我亦相知者詩成一惘然
偕朱侍御登崑山次唐人韻二首

看雲時撤蓋擇蔭數移床山鳥迎人語巖花撲酒香
半空搖使節百丈倚文光譁咲非吾放乾坤本劇場
峯巒雄虎據湖海恣鯨吞覓勝躋山頂偷閒坐竹根
風帆江上影烟柳雨中村剛盡登臨興歸雲擁石門

得鶴詩子搗酒賞之

雪羽翩翩至清尊日日開
堦前添雨跡墻角伴寒梅
整翮雲霄近和鳴燕雀猜
老懷須莫負爲爾賦歸來

贈顧孔仁

有客稱時彥無心競世紛
杜門惟點易倚杖獨看雲
詩字供吾老壺觴對此君
相知不能薦空自惜劉蕡
惜寓虎丘山樓

何處堪棲息重樓隔一亭
小池晴漾碧高樹暮排青
短榻眠窺月虛窓坐摘星
新詩聊作券漫爾托山靈

送王玉井

有客來何處翩翩美海槎
行囊偏貯藥醉眼欲生花

曉鐘初發青嶺曉紅馮紫霞前村多杏樹疑是近君家

西巖病中寄詩用韻

芝眉久相隔一日比三年呖語惟憑夢鶯花又禁烟
春光還似舊詩社不如前老我無聊藉拋書但欲眠
挽周文卿太守和唐雪泉韻

卒業記當年金陵蹇一鞭科名三載後簪笏五雲邊
宦況舟車遠交情肺腑鑄歸舟揮老淚悵望起寒烟
借季子升築兒玄墓看梅二首

十里香先到三盃興已催嶺頭銀作片溪畔雪成堆
勝景憑詩寫高情喜客陪故人今夜夢驛使幾時回
誰得觀梅趣三人共一航萬株春不老十載願初償

襯月連天白隨風隔隴香將何酬此勝酒興挾詩狂
遊太湖

覽勝借湖船真於野性便兩山斜夾浪一水直通天
燈火依洲渚魚蝦襍市廛重來定何日動輒是經年
和周貞菴歸田韻

歸興繞乘麻高眠一夢賒尋山過僧寺買屋近漁家
困惜蝸粘壁忙憐蟻散衙此中滋味好不敢向人誇
小園四首

吾亦愛吾園孤峯對小軒徐行惟適意獨坐每忘言
尊酒輸鄉社爐烟謝市喧枕書高卧穩五柳蔭清門
吾亦愛吾園湖邊坐流觴新篁嬌欲舞好鳥巧能言

只有琴書靜而無車馬喧間身任幽僻終日自關門
吾亦愛吾園松杉護一軒靜觀皆有象默坐欲無言
古樹鶯相答晴簷鵲自喧隣翁喜杯酌乞火夜敲門
吾亦愛吾園書樓面面軒咲談三四客道德五千言
地僻烟霞鎖林深鳥雀喧間來呼酒坐日落掩衡門

西湖雨中

久矣西湖約從容載雨遊艤船登水寺着屐上山樓
樹影模糊見歌聲遠近浮醉歸禪榻穩不待老僧留

題像

伉儷欣偕老優游擬百年龐公素相敬衛種本齊賢
積善貽身後含飴弄膝前丹青誇肖貌所重在心田

紀疾

老至苦三疾年來已二侵齒搖妨大嚼耳重廢清音
佳味虛春韭新愁斷暮砧衰遲自吾分抱膝且長吟
喜伯兄病起和韻

一疾忽逾年而今已泰然重尋迎客履遂買看山船
骨肉愁應減兒童喜欲顛何時瀉尊酒風雨對床眠
六十旦辰承南都諸公寄詩用韻答之

顧東橋華玉

都門早掛冠高臥日三竿忙裏抽身易人間行路難
梅谿春寂寂松塢月團團佳句勞頻寄能令野老歡

顧橫涇英玉

重惜青雲器優然滯海涯
清水堅晚節濁酒玩年華
墨妙詩傳艸才高筆夢花
秦淮春水滿思子欲乘槎
羅印岡子文

並馬更聯裾相依二載餘
睽違憐此日談笑記當初
待月登高閣看花弄小車
新詩勞遠寄千里慰窮居
趙雪崑

嘗記宦遊時高風起慕思
傳家科甲顯憂國鬢毛
知醉覓林僧話間後野老
嬉佳篇寒夜達細讀照青
藜

江京兆

景熙

勞君猶念我空負豸橫冠
久矣虛青眼居然老素餐

重名三朝正盤金一馬黃彫木舊多生不與在自看

易后齋士美

憶昔共朝端心期蚤掛冠清尊聊自適白首阻相看
夜雪堪乘興春花且寄歡聞君眠食健疑是學還丹

姚太守原學

多君重鄉誼况復忝同年握篆稱循吏懸車作散仙
雲邊尋寺屐雨後看山舡斗酒吾堪助何妨價十千

趙鷺洲

潦倒向頽齡思君坐短亭鄰封歌善政上國顯文星
竹映盃中綠山看雨後青瑤章能寄我華采照寒汀

曹翰林時範

長嘯蚤休官三峯樂考槃滄洲吾道貴綠野此身寬
詩句頻相和湖山每共看年來伏清甌眠食喜俱安
和吳芝山韻

半生山水癖汗漫每忘歸愛月登芸閣尋僧扣竹扉
風霜淹白屋塵土化緇衣無計糊三口時時採蘋薇
壽章窮溪六十

白首一高人優游六十春閒雲飛不定野鶴養難馴
采藥經吳楚尋梅過汝濱長生資內養花甲幾週巡
蘇行紀遊二首

老年無內顧秋日得西遊泉石供青眼謳歌慰白頭
樹藏雲外寺人倚水邊樓自笑經年別何妨信宿留

勝地牽清興，衰年學壯遊。高眠魚池側，直上芻峯頭。
月色誰家笛，歌聲幾處樓。秋光動詩思，終日爲淹留。

壽宋良器六十

舊雨君猶健，秋霜我更頽。搏沙踪跡異，逝水歲華催。
下榻交情熱，啣盃笑口開。年年爲此會，花甲看重來。

遊虞山和韻二首

登山共良友，鳴鳥正相求。選竹題新句，觀梅憶舊游。
泉聲懸絕壑，雲影護層樓。坐久塵緣息，香沉小殿幽。
行歌登古剎，山鳥逐雲飛。草色侵禪榻，嵐光上客衣。
鶯花三月近，松檜七星稀。自咲遊成癖，依依不肯歸。

未齋園看梅和時川韻

梅園亂飛雪幾樹尚堪隣乘興獨攜酒尋詩一繫船
雨餘留鶴跡風外撥鯉絃爲惜春光老長歌落照前

西疇

百畝生涯足年年望有秋雞豚對西疇無牧自歌謳
春社菜榆暖晨炊竹樹稠欣然忘帝力夢逐白雲
遊

丁酉元日和貞翁韻

昨夜東風轉年華又一新雲霞朝合彩燕雀早啣春
醉玩壺中景吟安物外身團團爐火坐兒女老相親
懷秦復齋

不見秦夫子令人展轉思有官還咬菜無事只敲詩

避客門長掩。逃名社早辭。何時共雞黍。談笑慰吾私。
花下聽孔生琴

花氣薰人煖。琴聲應鳥和。賞心閒裏得。春事醉中過。
遠岫迷烟靄。喬枝掛薜蘿。詩狂無處着。拍手一高歌。
送陳質齋自大尹改學官

偃蹇陳夫子。文名滿士林。劇閒雖異跡。教養本同心。
襦褲歌方洽。菁莪樂更深。此官元自好。先世有遺箴。
壽呂后齋

仙骨出純陽。真傳海上方。彈碁延白日。却杖陟高岡。
愛客能清話。辭官得穩藏。優游吾自足。不逐世情忙。
壽范翁六十六正公後

美矣先賢裔安然壽且康給田分義粟賣藥得仙方
世事惟高枕春遊慣野航百年間裏過倚杖看人忙

獨卧

幽居無客到高卧覺清閒鳥擲松篁外雲飛戶牖間
背牆花架隔臨水竹門關日晚行吟處悠然對小山
觀龔氏廢宅及先姊荒塚有感

華屋成灰燼荒墳自草萊頽垣風落瓦斷碣雨滋苔
月冷人愁絕天陰鬼哭哀終年歎興廢爭得老懷開
八月十四夜月時川以舟迎於北濠

今宵是何夕人說小中秋月色九分滿江光一樣浮
名姝搗画簃嘉客艤仙舟明日留餘興還應到虎丘

和貞翁九日登山韻二首

晚景應難得重陽不易晴樓頭攀獨樹海角見孤城
老衲忙安榻奚奴慣負枰醉歸松蔭合啼鳥自多情
節屆黃花綻杯傳綠蟻傾竹深時獨倚徑狹每徒行
雅會追前哲高風仰後生詩囊收勝景况復際新晴

山齋得孫和韻

已見緇郎抱還歸宰相門清風承奕世老眼看重孫
百試之無合三遷俎豆存汾陽有華胄千秋定同倫

壽令翁

少里村名古吳淞地脉長苴椿含晚色竇桂曠秋芳
榆柳圍茅屋雞豚繞麥庄嬉遊無一事帝力久相忘

山行五首和山齋韻

望望靈巖景依依在目前千年殘塔寺五月熟梅天
處處新秧水家家古樹烟最嫌山路濕雨後長蚰蜒

右望靈巖

冒雨經岐嶺肩輿四望低巾輕平折角幔濕半沾泥
狹徑攀猿窟深林隱獸蹄從人問前路指點小橋西

右長岐嶺

隱隱山中寺層層竹樹深幡幢禪榻靜苔蘚回廊陰
興廢千年恨登臨舊日心行行促歸思殘日照前林

右望玄墓

愛問回頭路貪看對面山海雲紅片片湖水碧潺潺

眼界空千里襟期豁兩間洞庭無限景還擬共躋攀

右出山

吳地山如画穹窿舊所聞靈光時燦爛仙氣久氤氲
洞古藏丹竈巖深卧白雲何時共登眺杖屨欲隨君
右望穹窿

壽姚封君六十

素卜期頤笑纔看甲子周藍田新種玉海屋又添籌
尊俎迎珠履詩篇滿画樓何時共扶醉雲谷訪浮丘
壽周南塘七十

誰占南塘景悠然有德人方巾見高志矮屋貯長春
晚節黃花老清歌綠酒醇百年真可望間作太平民

壽蔣莢庄五十

吳淞有真隱種菊遶西庄
好古陶潛拙能詩李白狂
高標懸象緯喬木任風霜
我欲脩蓮社殷勤獻一觴

壽文衡山先生七十

先生天下士文譽動儒林
耽隱成高志安貧養道心
晴窓閒戲墨素壁靜懸琴
我願公難老時聆大雅音

看梅

迤邐觀梅興殷勤載酒情
寒香撩客嗅晴雪壓枝傾
落月窮簷影東風短笛聲
何人知此味簫鼓滿重城

壽洪翁七十

七十能安健古稀今亦稀
行吟花氣煖醉倚竹陰肥

素履惟斯屋清風但布衣後茲應結杜杖屨真相違
壽陸給事母夫人

華屋歌鐘發高鋪王母進香薰霞帔煖花應酒卮妍
鶴算神丹秘龍章御墨鮮稱觴吾敢後再世忝同
年

贈錢東郊

楊里稱仁里東郊客到稀平田沾夜雨短榻弄朝暉
花氣先春煖槐陰傍午肥主人無世累白鳥共忘機
留別吳順山兼約後遊

池亭高士跡杯酒故人情洞古雲陰合林深暑氣清
淹留勞下榻談笑欲推枰更道龍池勝還尋雞黍盟

登北固山寺二首

南歸多覽眺北固始經行
殿古丹青剥巖深草樹平
佛香幽自散塔火晝還明
共有紛華念無人此繫情
獨上平臺立飄然眼界寬
金焦雙砥柱江海一杯盤
撫景容孤嘯披圖縱大觀
歸輿山月上詩骨不勝寒

改亭存稿卷之八